

CELEBERRIMIS ERUDITISSIMISQUE

VIRIS,

TIBERIO HEMSTERHUSIO,

*Graecae Linguae & Historiae Patriae in Academia
Lugd. Batava Professori,*

ET

ABRAHAMO GRONOVIO,

Bibliothecae Lugd. Batavae Praefecto.

Eti ea, quae Celsus in his libris posteritati tradidit, a studiorum ratione, quam Vos suscepistis, abhorrere videantur: tamen ob dulces, qui per eum nitent, latini sermonis lepores dignus mihi vel in primis visus est, qui Vobis, Viri Celeberrimi, ex veteri formula dicaretur. Neque enim sum nescius, quanta Vos voluptate ii veterum scriptorum perfundant, qui caste, qui concinne, qui ornate sine fuce ac pigmentis loquuntur. Quorum in numero cum Celsus non postremum locum obtineat, non dubito, quin vobis gratus sit acceptusque futurus. Sed quid ego tam alte dedicandi causas repeto, cum mihi magis propriae & quasi domesticae in promptu sint, qui hoc a me officium jure quodam suo flagi-

* 3

tare

tare videntur? Cum enim Celsum denuo
sub prelum revocarem, neque esset, cujus
in ea re vel consilio vel opera uti potuisssem,
Vos, Viri Praestantissimi, mihi nonnun-
quam, ut fit, haesitanti consilio affuistis,
& praeterea ex Bibliothecis instructissimis,
quicquid ad Celsum ornandum pertinere
videretur, liberaliter suppeditastis. Non
is ego sum, qui hic in laudes Vestras satis
jam concelebratas, neque cum Vobismet
intermorituras, excurram. Faciant hoc alii,
qui majori vel ingenio florent, vel dicen-
di ubertate. Ego gratissimum animum pu-
blice testatus, id a Deo immortalis precan-
dum Vobis & continenter exorandum du-
co, ut Vos melioribus literis & Academiae
praesidio, rebus familiae semper florenti-
bus, salvos diu & incolumes servet.

Vestrorum,

Viri Celeberrimi atque Eruditissimi,
Amplissimorum Nominum

*Cultor admiratorque
perpetuus*

JOH. ARN. LANGERAK.

*Lugd. Batav.
d. xxx. Sept.
MDCCLV.*

PRAE-